

## **EXPRESSION ORAU B2 - LECTURA**

Ena primauera e tardor, quan a ploigut pro e eth solei a cauhat, nèishen en ua hilada, enes prats dues classes de misharnons boni entà minjar. Es uns son de color tèrra, d'aparença delicada, damb era cama longa e dreta e un chapelet de paraigües que peth dejós i a un libre espés de huelhes. Es auti son blanqui e com en un nhòc a prumèr còp de uelh; an era coa cuerta e gròssa e eth libre ei de color torrat. Carreretes e misharnons son fòrça valoradi entà minjar-les trendi e, tanben, toti dus se hèn a secar en prenhs e son ua preciosa resèrva entar iuèrn quan non n'i a.

Sequi, pèrden en grana part er aulor e eth pes. Damb un sarpadet n'i a pro entà dar un gust excellent ar arròs o a quinsevolh aguisat de conilh, de poret o de carn. Pes parts d'apròp deth pòble se'n hègen, sustot carreretes, encara que non pas guaires; quan anauen a trèir eth bestiar o a virar era aigua en prat, cada un profitaue entà cuélher es des sòns prats. Encara qu'entà auer-ne entà tot er an t'i calie anar exprèssament un dia. Aqueth mai de 1931 mos amassèrem ua bona còlha de hemnes deth Palhars entà anar a cercar carreretes e misharnons ena montanha.

Peth camin encara arremassèrem ara cunhada de Jaume, Agnès, e dues o tres gojates mès de Sarri que vengueren damb nosates. Jaume les auie hèt a díder que i anaríem aqueth dimèrcles. Èrem ben ben dètz o onze. Jo m'auia trapat per auança damb Delina e mos auíem hèt a seguir dues cistalhes cada ua. Les aumpliríem? Ena mès petita i portàuem eth vrespalh. Pan e magra. D'aigua, massa que'n traparíem. Gessèrem a punta de dia e ath començament èrem agitades com era mainadèra, mos semblaue que non auríem pro temps entà blagar, mès, quan comencèc era còsta lèu se parèren es lengües entà non pèrder er alend.

*(Fragment adaptat deth libre Pèira de tartèr, de Maria Barbal)*

### **QÜESTIONS SUS ERA LECTURA**

1. Eth tèxte parle de misharnons. A tu t'agraden? Quines espècies? Ne vas a cercar? En qué te bases entà poder-ne trapar? En quina sason?
2. I a misharnons que contien podon. Sabes reconeisher-les peth sòn aspècte? Ne coneishes bèth nòm?
3. A uns amics tòns de dehòra, com les aconselharies o indicaries entà anar a cercar misharnons apròp deth tòn pòble o parçan?

Podetz establir ua braca convèrsa entre vosati en tot parlar d'aguest tèma.